

四明叢書

張宗祥

儒林宗派

四明張氏約園開雕

序

萬氏季野儒林宗派十六卷上斷自春秋迄於明季以
孔子爲宗詳其承傳著其流別顧乃旁及老莊申韓論
者或病之不知學案宗傳諸書之失正在此周制師儒
并爲官職六家之別蓋出漢人之強名且孔子論儒有
君子小人則儒亦非尊名漢以來諸儒孰能如子夏而
荀卿謂子夏之陋儒說者謂君子儒明道小人儒矜名
余意萬氏登選之義殆如此蓋儒者賤於秦漢之際尊
於建武以後秦時博士飾僞尸位肆言高論者皆儒生

奴事權貴罔恤廉恥者亦皆儒生儒而若此奚由登此
選哉然陳涉起抱禮器而歸之者儒生壁藏聖書守抱
殘缺卒爲大師者亦儒生則又烏得而不入吾書以顯
之哉今觀所錄諸人志在明道致治一也所詣有高下
淺深則各視乎其人要其折中於夫子皆可以無憾焉
至如師承宗派其章章不可掩者也門戶異同之見存
斯所謂陋矣一貫之唯聖門之宗傳也聞而悅之風氣
之會也直接其傳曰師承慕而宗之曰私淑宗派之說
實兼斯二者於是萬氏此書該之矣非是無以明聖學

之有統卽非是無以見聖人教澤之廣萬派千流歸宗
於海也覽此書者不當以讀學案宗傳諸書者讀之庶
幾其有得於作者之心焉民國二十三年一月後學張
壽鏞序

四庫全書提要

儒林宗派十六卷

國朝萬斯同撰斯同有廟制圖考已著錄是編紀孔子以下迄於明末諸儒授受源流各以時代爲次其上無師承後無弟子者則別附著之自伊雜淵源錄出宋史遂以道學儒林分爲二傳非惟文章之士記誦之才不得列之於儒卽自漢以來傳先聖之遺經者亦幾幾乎不得列於儒講學者遞相標榜務自尊大明以來談道統者場已凌人互相排軋卒釀門戶之禍流毒無窮斯

同日擊其弊因著此書所載斷自孔子以下杜僭王之失以正綱常凡漢後唐前傳經之儒一一具列除排擠之私以消朋黨其持論獨爲平允惟其附錄一門旁及老莊申韓之流未免矯枉過直又唐啖助之學傳之趙匡陸淳宋孫復之學傳於石介皆卓然自立一家宋代說經實濫觴於二子乃列之傳儒之中不入宗派亦有所未安至於朱陸二派在元則金吳分承在明則薛王異尙四百年中出此入彼淵源有自脈絡不誣亦未可以朝代不同不爲明其宗系如斯之類雖皆未免少疏

然較之學統學案諸書則可謂漸除錮習無畛域之見
矣世所傳本僅十二卷此本出自歷城周氏較多四卷
蓋其末年完備之定本云

序

四明萬季野先生儒林宗派鈔本十六卷庚寅冬購自都門先生曾從孫邠初使君方牧臨清聞之亟借觀以校其家藏本乃多四卷爰錄之而以原本還余且謀刻焉復屬爲之序周官以九兩繫邦國之民三曰師以賢得民四曰儒以道得民其與民相維繫蓋與牧之以地長之以貴同功沿及後世治統與道統分而師儒之教化常在於下且或私其傳於一鄉一國而不能及遠較之古者父師少師坐於閭門無地而不建之學無人而

不範於師者迥殊矣然漢唐宋明以來草野之講習朝廷之制作未有無所師承而可有立於一時有功於一世者第其源流散見載籍考之爲難昔宋儒章俊卿著羣書考索各經俱載諸儒傳授圖明西亭王孫復廣之爲授經圖先生斯編則搜采更博且縷析條分較若列眉學者誠一一考其世論其人溯其德業文章之所自則數千年間學術之何以醇駁治法之何以升降亦可以深明於其故而人自得師矣古之三物四術卽不敢遽語其全而考亭西山讀書之程翼之平仲教學之法

可考而知循而守也於以窮經稽史尊聞行知人材之
成安在不可比隆於漢宋哉斯則先生纂集是書之意
也夫乾隆癸巳春仲歷城後學周永年謹序

序

儒莫盛於漢宋漢儒傳經而宋儒講學何也非經無以見道漢承微言將絕之餘存什一於千百故以傳爲難自唐以後九經之文諸家之說大備學官學者窮年矻矻猶拘於章句訓詁莫能相通閒有一二聰明博洽之才掇其精華徒以飾輪轅而藻鑿枲所謂知本者不存焉於是志士感之踐塗文章單心性道以求合乎古之大學而高明沈潛又各就其資性所偏標宗旨以誘後進此學派所由起與漢人經說異同後先相望者也明

黎洲黃氏著明儒學案論述最詳今越中萬使君邠初重刻其叔曾祖季野先生所輯儒林宗派一編則專列名氏或統或散自漢以來予觀經師授受漢降漸微至宋五子出厥後始有學派之目其間不名一經而亦未嘗講學者未始非儒也漢廣川董子學貫天人雖傳公羊春秋不可以崙家目之自後如蜀漢之諸葛忠武唐之昌黎韓子宋之范司馬兩文正歐陽文忠元之貴與馬氏可謂名通若此諸儒經生乎學究乎宗派之名可以不立雖然宗派起於講學講學非病病在轉相師者

略文行而求深於理理有兩端而無形可質故莫能相
一則門戶之見成而教術以弊且吾見夫後來講學諸
儒之務以口舌爭者其或斷不必以口舌爭者也今使
學者務絕羸出俛然奉一大儒爲步趨奇偉之士或難
之不如兼收之使其自擇從事之久俟其自悟斷斷派
別如經師之不可偏廢而後曠然有以統會於宗則先
生是編之功豈淺渺哉乾隆癸巳夏五吾邱後學李中
簡謹序

序

溯中國學史巢燧義農以一人創一學而傳軒轅氏與
資羣輔宏制作堯授民時舜教人倫禹平水土偉哉亦
越周公彙萃眾長肇啓文明以有今日之中國孔子出
師道立教育宏宗派於是乎託始韓非子云孔子後儒
分爲八晉陶潛羣輔錄謂八儒散於天下子思氏爲有
道之儒子張氏爲有容之儒以及顏氏傳詩孟氏傳書
漆雕氏傳禮仲良氏傳樂樂正氏傳春秋公孫氏傳易
皆爲道而史遷敘儒林傳傳經均導源於卜氏商氏書

缺有閒矣漢承暴秦褒顯儒術建立五經爲置博士凡立學官者十四家其時博士皆塙有家法傳授永初已前無倚席不講者而守文之徒隱居教授門徒數百人簪錄數十人者又布之於邦域也斯皆卜氏商氏之徒也然而傳世旣永支葉繇滋承一師之業別爲數十家一經說繁百餘萬言西漢末儒貽譏班志者已有然則凡漢後唐前諸儒其塵塵掇拾舊聞裁成義說以存經術於若絕若續之交亦勢爲之矣濂洛關閩踵而興儒風復振時則學統四起門徒學侶徧天下其道一洗末